

حواديت شوارعنا هبه عتيم

اسم الكتاب : حواديت شوارعنا

اسم الكاتب : هبة عتيم

رقم الإيداع : ٢٠١٥/٢٦٥٤٦

الترقيم الدولي : ٧٨٩٧٧٦٥٢٧٤٦١

الطبعة الأولى : ٢٠١٥

مراجعة لغوية ، وإخراج : زحمة كتاب
غلاف الديوان :

صادر عن : مؤسسة زحمة كُتّاب للثقافة والنشر

١٥ ش السباق - مول الميريلاند - مصر الجديدة



www.za7ma-kotab.com



www.facebook.com/za7ma



www.facebook.com/za7makotab




za7ma-kotab@hotmail.com

© جميع حقوق الطبع والنشر محفوظة

لمؤسسة زحمة كُتّاب للثقافة والنشر

المشهرة قانوناً بسجل تجاري رقم / ٨٤٤٨٦



مؤسسة زحمة كُتّاب للثقافة والنشر

'ان لم تكن سعيدا داخليا لن تكن سعيدا خارجيا ...

ان لم تكن سعيدا كما انت الان ، لن تكن سعيدا عندما
تصبح ماتريد .

ان لم تكن سعيدا بما عندك الان ، لن تكن سعيدا عندما
تحصل علي ما تريد.

ان لم تكن سعيدا بحياتك الان ، لن تكن سعيدا باي
حياه ...

'ابراهيم الفقي'

اتربد السعاده حقا ، لا تبحث عنها بعيدا انها بداخلك
'ابراهيم الفقى'

سكر ... حلوه الدنيا سكر ... لالالا

'سمير صبري'

,

اهداء

الي من جعلتني انا ...

لن اقول الا ما قاله محمود درويش ...

امي .. لن اسمبكي امراه .بل ساسمبكي كل شئ

فانا اعشق عمري لاني اذا مت اخجل من دمع امي

(يا احلي حورية م الجنة)



كل تجعيدة ف ملامحك
ساندة حيطه م الحيطان
كل شعرة بيضا منك
مالية كل البيت حنان
ازاي بقا معشقتك سنك
و انتي خلدك دار امان
وما زلتي كما كنتي
جوه عنيا بالفستان
شايفك اميرة من ديزني
مابيعديش عليها زمان
شايف وشي ف ملامحك
شايف عمري ف عيونك
سامع دقتي ف نبضك
و مداري من بكرة ف جفونك
فلو ترضي معاليكي
بليل احكي حدوته

| حواديث شوارعنا - هبة عتيق

و اشوف تمثلها ف عنيكي
و الصبح اهديكي بالونه
وبعد الضهر غزل بنات
ف تتضحكي و ف نن عيني تشوفي الغمازات
يا احلى حورية م الجنه
في صورة بنت من حوا
في طبعة وشم بالحنه
في صوت فيروز لما غنا

(عن عين بضحك سندرلا)



عن عين بضحكة سندرلا
و صوت بخفة شريهان
عن اللي صام و قام و صلي
و دعا بوصالك من زمان
اغزلي شعرك ضفاير
و اعقدي اخر الضفيره بخصله مني
و افتحي كل الستاير
و انفخي في الناي و غني
و اصرخي في الكون يكون لك
و اضحكي تطرح ورودك
و افرحي يسعد صباحك
تحلى بيكي الدنيا ليا

(ممكن اقول لجنايبك)



ممكن اقول انا لجنايبك
و لسعادة حضرتك
ان مزيكة غنايا
هي صوت ضحكك
و ان الف ديوان غزل مش كفاية
لو صف محبتك
وان ورد الدنيا كوم
و الدنيا عندي في وردك
و اني مش بحط غير برفانك
عشان يعرفو اني علي ذمتك
ولو يكون جبل هموم
يكفيني منك بسمتك
يكفيني دقات قلبك لما ازورك ف المنام
و غيرة كفك علي ايدي م السلام
و خوفك حد يلمحني ف عنيك
فجفك يغير و يعتبره حرام

حروف متلزنة



الفكره مش فكره حروف متلزنة
وكتبنا بيهم كام قصيده منطورين
دي ريحة عشق متعته
بضمه من عزيز العاشقين
لو بايدي كنت امرع الهوا يهوا
فيعرف ان ساعة اللقا بتمر اسرع من ثواني ف فيلم
و ان النوم في غير معاده دوا
يمكن يكون لي معاه معاد في الحلم
عمرك شفت قتيل بكا من حبه للي سقاه السم

و اطول نظرتي و هوا مش داري
يمكن عيني تسرق ف المداري
بسمه من ضحكه
همسه من كلمه
لقطه من مشهد
ابقي فيه بطله

(انا اسف جدا)



انا اسف جدا انا همشي
علشان معرفتش اوفي بوعد
انا اسف جدا يا حبيبتي
حكايتنا متاهه بشارع سد
لو لعبه في يوم انا هكسر ها
مش هبكي عليها ولا تلومني
ولا تطلع في منامي تزورني
ولا تقلب حلمي يبقي كابوس
ده انا كنت فاكرك بحجاره
هكسر ها يوم لما ابقى اعوذ
فلو كان لابد او يجوز
اللعبه تصبح فيها روح
اختار تكون اراجوز
و تقول بصوتي يلا روح
او ماريولت
تقول عشقت

| حواديت شوارعنا - هبة عتيق

متشلىش همي

العب بغيري

وهي بترقص من السعاده

فسيب ايديا تموت زياده .

(ومتشعبط في اخر خيط)



ومتشعبط في اخر خيط
وميت م الوجع علي حد
مشالش خياله من ع الحيط
و سابللي حياتي جزر ومد
و سابللي صورته في كتابي
وسابللي الوردده في دولابي
و سابللي صوت تسبيحه في دعا الكروان
و سابللي عينه مرسومه بالين في الفنجان
و سابللي سواد شعره و نن عنيه
وخذ وياه الضحكه بالالوان

(متكسرة)



متكسره

بقايا روح متلصمه
حبة ضلوع متلضمه
وخذ بالدمع ارتوي
وعين عاشقه للerma
وعمر راح في السرسبه
ده لاني كنت مصدقة
الوعد في البرد بدفا
وحضن الكفوف و السهنته
ولاني طبعاً مش هعيش العمر كله مغفله
فكيت خشب السفينه اللي شايل حلمي
وعملت منه تابوت
ودفنت فيه البكا
علي ناس يارتها تموت
ولميت الازاز م الارض
وعملت مرايه فيها شروخ

وبطلت السهر علي حد
عشان الصبح لما بدوخ
وشربت سم العسل
و خلقت منه حياه
وبدات بكره بامل
اني اتولدت معاه
وغيرت اللي فيا اتعشق
وحبيت اللي اتسبت لولاه
فعشان حبيت شعري الطويل
قصيته
وعشان عشقت سواده حنيته
وعشان كسرت ضهري
قويته

(مكانا)



مكانا

ذكريتنا وحلمنا

عمر راح

انتِ احساس اليراح

احساسى بالاحتياج

انتِ حسيتيه

بكلام قولتية زمان

قلبي لمستيه

هكونك أم

حضن يضم

قلب كبير هيساعى الهم

ضحكه فى بيت بتزيع الغم

هكونك أب

يشيل الغلب

قلبي هيكونك وطن

رمشى هيكونك سكن

بيك اكتفيت

انت احساس الكفايه

انت حدوته في روايه

على الرمله بنينا بيتنا

وكتبنا حدوتنا

عايز أجيب منك ولد

عايزه تجيبني مني بنت

أنا ليكي ضرر وسند

وأنت ليا كل ست

شايفه ضفاير بناتنا

شايفه حنية ولادنا

الوقت بيضيع أوام

وانت عندك امتحان

يلا لاعيونك تنام

عايز أقعد بس حبه

حبه حبه اتنين احبه

حبه نكمل حدوتنا

حبه بس نسمى ولادنا

بس انت لازم تراجع
ملزمتي أنت لما أراجع
لما أنام انت علمي
لما أصحى أنت حلمي
جفني لو يغمض صورتك انت ساكنه مني
انت فكره ساكنه عقلي
قبل نومي وبعد فوقتي
لو نطقت انت صوتي
لو همست انت حسي
بالك انت لو تحسي
كنت حسيتي بكيانك جوه مني
كنت حسيتي بخيالك هو ضلي
نص من غير نصه ضايع
انت احساس اللقا
لطفل كان من أمه ضايع
انت احساس الكفايه
انت حدوته في روايه
هي دي كل الحكايه .

(ايوه بغير)



ز عيق و خناق تنهيدة طويله

بيطلع بعدها كلمة غيره

احس ساعتها اني اميره

واني ملكت الدنيا بايد

واني غلبته واني كسبته

بعد مكابره وبعد مناهدة

وبعد لماضيه وعند شديد

اه بغير

ثم انا عارفه بقالي كتير

عامله عبيطه وبستهبل

اصله هو عامل تقيل

كل ما يحاول يداري

نن عينه بيفضحه

عاملة مش واخده في بالي

و انا م المراقبه ما برحمه

كل ما يجي في خيالي

ان وحده بتلمحه
احس اني قوام هجري
ومن رقبته انا هديحه
ايوه بغير
غيرت عليه من نظرة عين
حتى لو بس في خيالي
اصله حمايتي
هو امانني
عارف انت الجدعنه وقت لما تضيق اوي
لما الصوت بيعلى في الخناق و الحزن بيحتوي
انت حاجه في كل حاجه
انت حالة
بعدي عنك استحاله
ساعات كتير تحس حاجه
بس تظهر حاجه ثانيه
لاحتواني و قربي منك
بتعمل الحاجتين في ثانيه

(بص فوق كده ع القمر)



بص فوق كده ع القمر

اصله عتمه

لو في يوم طال السهر

انسى المعاد ده

حط لنفسك حلم جديد

وقته اتاخر بس اكيد

ربك شاهد ع التنهيد

مين فينا ما وقعش

وقام تاني

مين فينا ما علاش

ووقع ياتي

مين فينا مافتش على حزنه

من فينا ممرش على فرحه

مين فينا محبش

حتى ولو بينه و بين نفسه

مين فينا متحبش

حتي ولو مش عارف مين حبه

مين فينا مكنلوش صاحب في ابتداني

عيط علشان يقعد جنبه

(خدي اشترى ارواح)



العبايه فيها رحتك
والحيطان ملياها صورك
والمخدة شاربه نفسك
بموتك البيت حسه مات
حتي العنكبوت معشش في سكات
والعصايه اللي سابها جدي
لجل ما تكونلك عكاز
العجز ساكن ضلوعها
وروحها بقت من ازاز
والتراب راسم ملامحك ع الحيطان
وحشني وقت الاذان
تصلي بينا جماعه
وحشني ضحك زمان
والغنوه والسماعه
تسمع نبضك
دقات قلبك

تحس بوجعك
وتفضح سكاتك
كل ما سالتك تقولي كله تمام
وانا من القلق ما بنام
وحشني ابوس ايدك لجل ما انول الرضا
واقعد تحت رجلك وتدعيلي بالهنا
وحشني صوتك في الخناق
متشربيش القهوه ادمانها داق
واسمعي للست
وماتقعديش ع الزفت
نظرك خلاص راح
ومتزعليش مني
خدي اشترى ارواح

(حبه حبه وتاتا تاتا)



حبة حبة

نزيد سزاجه

تاتا تاتا

نزيد عباطه

كمموكي يا تمر حنه

و لا ناوية ع الشهاده

و اما نور الشمس يطلع

هتقوللنا اتنين تلاته

و اما ديك الفجر يدن

هتاخدي منه الاستماته

في التباته

و تتدني في نفس المعاد للاقامه

لحد لما الخلق تصحي م الغنتاته

(سوادك عسل)



يا اللى سوادك عسل
مكسيه ليه بسواد
لاجلك راح البطل
افرحى ... ده انا أم الواد
يا كل حبة رمل
رواها دم ابني
أنا خايفة أدوس على الأرض
أوجع عضام ابني
يا كل تنهيدة طالعه من قلبي
يا دمعته محبوسه
يا صرخه مكتومه
هقبل عزاك يا ابني
يوم لما أجيب حقك
وعدتني تزورني
ورجعتلي في كفنك .

(رصاصه غدرت بالضنا)



طب أودى وشى فين من أمه
ده الضنا غالى وده نين عين أمه
أحلفك بالله
ما أنت دايس على الزينات
وان كان لابد الموت
فأنت أولى بالممات
لو ربك يريد
ويدب فيا الروح
كنت ابوس الإيد
واحب على الرجلين
واتوسل للعبيد
وارفض انى اروح
جماد بس قلبى انفطر
على الشاب الزين اللى انقتل
وعشان امه محملانى الأمانة
اكون رصاصه حنينه

وموجعوش
يكون عندي قلب
ومجرحوش
فالدم اللي سال واللى طرطش على الوشوش
دمي أنا
رصاصه غدرت بالضنا
لو كان بايدي كنت اديله الحياة
لكن ادفنت معاه .

(شكرًا يارب)



يومياً قبل ما أنام
تبدأ مأساة حياتي
عيط ونواح تمام
على كل ذكرياتي
وفضلت كده
يوم واثنين وسنه
يمكن مش لاقيه اللى حاسسنى
يمكن مش لاقيه اللى سامعنى
والأكيد ان اصلاً
محدث دلوقتي شايفنى
قررت اسمعلى واحس بيا
اكتبلى واطبطب عليا
اشكلى همومى واقوى بيا
مسكت ورقه وقلم
وقلت هكتب مين ظلم

لقيتنى بكتب انى حاسه الأيام ثقيله
والثانية بتمر ليله
والليالى طويله
لقيتنى بكتب ان عمرى ما كان لى حزن
وان براح الدنيا سجن
وان النور فى عنيا عتمه
وان سواد الليل ده كحله
حتى الأكل علاقتى بيه
يادوبك كده بسلم عليه
أمى دخلت عليا
ايه ياضى عنيا
صاحيه ليه للفجريه
باست دماغى واطمنت انى نمت
وغطتنى بالبطانيه
بس رجعت اتعدلت
مسكت قلمى وعلى كل اللى كتبته شطبت
محيت من دماغى فكرة ان الدنيا عايزانى أغور
وقلمى اكعبل فى السطور

من لهفتى وانا بلحق الثانيه
الثانيه اللى كنت بشكى انها بتمر سنه
اهى مش مكفيه
العيب كان منى انا
واللوم كان عليا
أنا اللى كنت مش عايزه أحقق حاجه
مع انى موهوبه وبعرف فى كل حاجه
مع إن من وأنا صغيره
المس كانت تملى
بتقول عليا شطوره
أمى جمبى صحابى وأخواتى ودراستى حلوة
بكره هكبر وابقا حاجه والدنيا حلوة
ايه ده !! ريقى ناشف ونفسى فى حاجة حلوة
قومت اتوضيت
والفجر صليت
شكيت لربى على كل همى
وقولت زيح يارب عنى

طلعت لأمى وبوست راسها
كلامها كان من الدنيا عبره
ياما قالت وياما عادت
بس الايام بتعلم لبكره
اتفرجت على التلفزيون
انا وأخواتى وست الكون
أول محطة : بنت ماتت برصاصه غدر
ثانى محطة : أم كانت نادره ندر
تشوف المهندس بالشهاده
لاجل ما تدبج عباده
والشهاده تاخذها وتبروزها وتعلقها
لاجل ما تقول ابنى فخر ابنى دهر ابنى عمر
بس الشهاده والمهندس خدهم القطر
المحطة الثالثه : بيت اتعجن
مهو أصله كان لغلابا
وباش من هم الزمن

المحطة الرابعة : احتلال فنون قتال

اغتصاب تسبيب كلاب

شاب شاب

طفل مات وقت فات

أسوار بتعلّى الرب أعلى

الحق راجع آه من المواجه

مسكت ايد أمى بحب

شكرًا يارب .

(يادى الوحله)



غمض عينيك واسرح
افكارى راح ترمح
قول لى شفت ايه
شفت الموت يا بيه
نفسانى وابصر ايه
اللى بتقول عليه
أنا راجل على قد حالاتى
غموس البيت بجيبه يوماتى
لقمه بمش وفول حراتى
طب واللحمة ؟!
صحه وعافيه على اللى ياكلها
لكن فى دارنا
سم بيهرى جوه بدانا
عايزنى اقول للواد على اللحمة !!
يادى الوحله

عايز لما نفسه ترجع تروح لها

اقوله معيش

أنا يدوبك بجيب العيش

طب والفسحه ؟!

أنا بواب على باب عمارتكم

ليه نسيت الفوله يا بيه

جاي تعالجنى من ايه

أنا الدوا

وأنت اللى فيك الداء

طاب تيجى نسمع سوا

قولى على الأسباب

جاي تسمعنى ليه

وماتقوليش ثواب

هساعدك تحل مشاكلك

طاب ومشاكلك ؟

أنا دكتور نفسانى

أراهنك

صح

أنا جاى استقوى بيك

أنت ازاي كده

قولى أبوس إيديك

انا زى الطور بيلف فى ساقيه

مش عارف يرتاح ولا ثانيه

معايا أجيب الغموس

بس لو فى يوم الواد سخن

ماهلاقيش أجيب اللبوس

ماشيه ستر

ماشيه رحمه

كل يوم الدنيا زحمه

لو جسمى وجعنى

ماهحسش

أصلى من الشقا

مايملش

يوم ما هجهز بنتى وأرفع راسها وسط ناسها

يوم ما هعلم ابنى وأكسى مرتى اللى الهم داسها

يومها بس هرمى نفسى على السرير
يمكن يومها هحس بشقا السنين
هقوم أتوضى وأصلى ركعتين
وهمد كثير .

تم بحمد الله

من إصدارات مؤسسة زحمة كُتّاب



الشعر والخاطرة :

- لابس وش : علاء أحمد
- فحشقت مجدداً : أحمد لملوم
- امرؤ الهلس : إسماعيل علي
- إنسان فالصو : محمد الشحات
- فأنت تفاح أخضر : عبد الرحمن حميدة
- ضل ونور : لمياء عامر
- تراتيل عاشقة : شاهنדה الزيات
- ثورة عاشق لم تكتمل : محمد أبو ذكري
- وجع الحنين : هيام الجمل
- أبجدية حب : كواعب البراهمي
- لك الحب : إيمان زايط
- حب في زمن حزين : السيد حسان
- فراغ عاطفي : على نمر
- ضل ونور : لمياء عامر
- هلاليات : عبد الرحمن الهلالي
- الشتاء الأخير : آية على الشاعر
- مني لك : عبلة موسى، خالد غازي

- سكتة حب : عبلة موسى
- خلطة مطبعية : إيهاب الكيلاني
- خارج دواير الانتظار : أحمد رامي عبدالله
- ١/٢ كدر : عثمان عبدالمنعم
- لسه! : رفيدا حسن
- كلمات تروي حكايات : محمد العدلي
- خيال يرتب ألفاظه : د. محمد عبدالله الشيخ
- على ضفاف الزمن مررت بذاكرتي : سهير عبدالله رخامية
- ولي أمل : إسلام عبدالعزيز
- تحيا مصر : خالد غازي

الرواية والقصة القصيرة :

- استربتيز : منة الله رأفت
- الصامتون تحت الأرض : هبة حمدي
- المواجهة الملعونة : محمود شاهين
- العذاب الحلو : سالي غانم
- للأحلام اسم آخر لا نعرفه : محمد صلاح المصري
- طائر في الظلام : إيمان عبد الخالق
- هن : ولاء بيومي
- رجل ضد العالم : سمير زكي
- (HIV) من مذكرات مثلي : علاء أحمد
- للخطايا ثمن : محمد الجعفري

- جريمة أب : حازم خليفة

الكتب المجمعة :

- تيليجرام : شعر
- سيلفي : شعر
- سيجا : شعر
- صف ثاني : شعر
- قلم رصاص : شعر
- ترايزين : شعر
- بارانويا : شعر
- بيانولا : قصة قصيرة
- ألوان : قصة قصيرة
- نيكوفيليا : خواطر
- إنسانوبيكيا : شعر وخاطرة وقصة قصيرة

المقال والدراسات :

- مداد في حب الوطن : د.أحمد السعدي
- يا سكر : كريم عمرو، ياسمين التمامي
- كيميا الحب : سارة حسين
- لا مؤاخذه : أحمد مرسي
- مدن مصر المحروسة (حتمية الموضع، إمكانية الزمان) : علي محمود العبادي
- شرائع محرمة : كواعب البراهمي

لطلب إصدارات مؤسسة زحمة كُتّاب للثقافة والنشر،
زوروا مقرها في : ١٥ شارع السباق، مول الميريلاند،
مصر الجديدة، أو زوروا موقعها الإلكتروني لمعرفة
أماكن التوزيع على مستوى الجمهورية، والدول
العربية.

للتواصل :



www.za7ma-kotab.com



www.facebook.com/za7ma




www.facebook.com/za7makotab



za7ma-kotab@hotmail.com



٠١٢٠٥١٠٠٥٩٦



مؤسسة زحمة كُتّاب للثقافة والنشر

زحمة كُتّاب .. القدرة قرار !